



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Bartholomæi Salutij Reformierten Franciscaner  
SeelenParadeis**

**Cambi, Bartolomeo**

**München, 1623**

40. Was bey dem eingang der hoffnung Porten zur Göttlichen einigung  
vonnöthen sey.

**urn:nbn:de:hbz:466:1-45572**

Was bey dem eingang der  
hoffnungporten zur Göttlich  
chen einigung vonnö-  
then sey.

**R**egel. Desgleichen muestu  
auch thun / wann du durch die  
ander Porten wiltt eingehn/  
knyenider / beger demütigklich von dem  
Engel / daß er dir wölle auffthun / vnd  
voll der zuuersicht vnd hoffnung / als  
seyest du alles dessen / nach weme dich  
verlangt / allberait vergwist vnd versis-  
chert / ergib dich gänzlich in die Arm  
deines Bräutigams / vnd sprich: O mein  
Jesu auff dich allein setz ich mein sichere-  
ste hoffnung. Nach solchen Worten er-  
heb dein Gemüch mit einem innerlichen  
Seuffzer / gib dich zuruhe vnd opffere  
dich ihme / ziehe ihn mit verlangenden  
Seuffzern gleichsamb an dich / so wirst  
du wunderbarliche bewegungen in dir  
empfinden

empfinden/ vnd ansser dir selber verzucht werden.

Seel. O du mein süesser Bräutigamb. Phil. 2. Ich warte vnd hoffe daß ich in keinerley Stuck zuschanden werde/ sonder ist mein ganze zuversicht / daß / wie allwegen / also auch jetzt / Christus gespenet werde an meinem Leib / es sey durch leben oder todt. Dann Christus ist mein leben/ vnd sterben mein gewinn.

O du heilige hoffnung/ dir ergib vnd schenck ich mich ganz vnd gar.

Engel. Siß ist der rechte Weg dich mit deinem Bräutigamb zuverbinden/ wann du nemblich dich selber ganz vnd gar auffopfferest. Psal. 54. Wirff dein anligen auff den H. Ern / der wird dich versorgen.

Seel. Jetzt sag mir von der dritten Porten.

7

Das